



*Handwritten signature and initials*

Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 04.12.2023. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## O D L U K U o izboru najpovoljnijeg ponuđača

### Član 1.

(Predmet odluke)

Ugovor o nabavci robe – sistem klimatizacijskih uređaja se dodjeljuje ponuđaču **INTER-COM d.o.o. Zenica**, za ponuđenu ukupnu vrijednost 10.989,00 KM KM bez PDV-a.

### Član 2.

(Kriterij za dodjelu ugovora)

(1) Ponuda ponuđača iz člana 1. ove Odluke zadovoljava sve uslove utvrđene u predmetnom Konkurentskom zahtjevu za dostavu ponuda.

(2) Ponuđaču iz člana 1. ove Odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Konkurentskom zahtjevu.

### Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove Odluke, isti ih je dužan dostaviti na način i u roku navedenim u Konkurentskom zahtjevu.

## O b r a z l o ž e n j e

Postupak javne nabavke proveden je putem Konkurentskog zahtjeva. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-1-199-3-103/23 od 02.11.2023. godine. Primljene su ponude ponuđača: INTER-COM d.o.o. Zenica, SES d.o.o. Sarajevo, AC Servis S.P. Banja Luka i Energo Centar d.o.o. Laktaši.

Komisija za nabavke imenovana Rješenjem, broj 05-16-4-158-1/23 od 11.01.2023. godine i 05-16-4-160-2/23 od 22.05.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3706-16/23 od 04.12.2023. godine (u daljem tekstu: Zapisnik) je u prilogu ove odluke) i utvrdila sljedeće:

**1)** Ponuda ponuđača AC Servis S.P. Banja Luka se odbija kao neprihvatljiva jer Ponuđač nije ispunio zahtjeve iz Konkurentskog zahtjeva, broj 05-16-4-3706-2/23 od 02.11.2023. godine (u daljem tekstu: Konkurentski zahtjev), a u skladu sa članom 68. stav (1) Zakona o javnim nabavkama.

Ugovorni organ je tačkom 3.2.2. Konkurentskog zahtjeva zahtijevao da ponuđači u svojoj ponudi dostave Rješenje o upisu u sudski registar ili (Aktuelni) izvod iz sudskog registra ili posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke.

AC Servis S.P. Banja Luka je u svrhu ispunjavanja uslova iz tačke 3.2.2. Konkurentskog zahtjeva, u svojoj ponudi, broj 98/23 od 15.11.2023. godine (u daljem tekstu: Ponuda), na stranicama 35 i 37, dostavio ovjerene kopije Izvoda iz centralnog registra preduzetnika, broj: BL-CRP-57/23 od 04.09.2023. godine i 02-350-1591/23 od 08.11.2023. godine.

Ponuda ponuđača AC Servis S.P. Banja Luka ne ispunjavanja zahtjeve iz Konkurentskog zahtjeva, obzirom da je iz dostavljenih dokaza evidentno da isti nije registrovan za trgovinu robama koje su predmet nabavke, već je registrovan isključivo za usluge:

- Uvođenje instalacija vodovoda, kanalizacije, gasa i instalacija za grijanje i klimatizaciju (isključivo uvođenje instalacija u individualnim stambenim i individualnim stambeno-

Amir

poslovnim objektima bruto građevinske površine do 200 m<sup>2</sup>, kao i u objektima za koje nije potrebna građevinska dozvola);

- Drumski prevoz robe;
- Popravka aparata za domaćinstvo i opreme za kuću i baštu.

U skladu sa prethodno navedenim, zatim članom 21. stav 6. Zakona o zanatsko – preduzetničkoj djelatnosti (Sl. glasnik Republike Srpske, br. 117/11, 121/12, 67/13, 44/16 i 84/19) i čl. 13. stav 2, 14. i 18. stav 2. Zakona o trgovini Republike Srpske (Sl. glasnik Republike Srpske, broj 105/19), Ponuda ponuđača AC Servis S.P. Banja Luka je ocijenjena neprihvatljivom.

2) Ponuda ponuđača Energo Centar d.o.o. Laktaši se odbija kao neprihvatljiva jer Ponuđač nije ispunio zahtjeve iz Konkurentskog zahtjeva, broj 05-16-4-3706-2/23 od 02.11.2023. godine, a u skladu sa članom 68. stav (1) Zakona o javnim nabavkama.

Ugovorni organ je tačkom 3.3.2. b) Konkurentskog zahtjeva zahtijevao da ponuđači u svojoj ponudi dostave original ili kopiju potvrde ovjerene od strane nadležnog organa (sud, notar ili općina) za jedan ili više uredno izvršenih ugovora koji su za predmet imali isporuku klimatizacijskih uređaja u posljednje tri godine računajući od datuma objave obavještenja na portalu javnih nabavki (<https://www.ejn.gov.ba/>) ili od datuma registracije/početka poslovanja, ako je ponuđač registrovan/počeo sa radom prije manje od tri godine, čija vrijednost odnosno ukupna vrijednost, ako se radi o više ugovora, mora biti najmanje 11.000,00 KM bez uključenog PDV-a.

Potvrda/e o uredno izvršenom/im ugovoru/ima, koja/e je/su u vezi sa spiskom izvršenih ugovora o isporučenim robama, a koja/e mora/ju biti izdate od strane naručioca posla, mora/ju sadržavati sljedeće podatke:

- a) naziv i sjedište ugovornih strana ili privrednih subjekata,
- b) predmet ugovora,
- c) vrijednost ugovora,
- d) vrijeme i mjesto izvršenja ugovora,
- e) navode o uredno izvršenim ugovorima.

Ukoliko je isporučena roba u potvrdi (sistem klimatizacijskih uređaja) isporučena sa drugom robom, uz izvršenje usluge ili izvršenje radova, u potvrdi moraju biti precizirani svi podaci od a. do e. iz prethodnog stava za konkretnu robu (sistem klimatizacijskih uređaja) kojom se dokazuje ispunjavanje uslova tehničke i profesionalne sposobnosti, kako je traženo ovim Zahtjevom.

Napominje se da ako ugovorni organ bude imao sumnje o postojanju okolnosti vezanih za tehničku i profesionalnu sposobnost ponuđača, isti će se obratiti nadležnim organima s ciljem pribavljanja potrebnih informacija u predmetnom postupku.

Energo Centar d.o.o. Laktaši je u svrhu ispunjavanja uslova iz tačke 3.3.2. b) Konkurentskog zahtjeva, u svojoj ponudi, broj 2877/23 od 16.11.2023. godine (u daljem tekstu: Ponuda), na stranici 14, dostavio originalnu Potvrdu za izvršene radove na klimatizaciji (grijanje i hlađenje) izdatu od firme Hidraulika Flex d.o.o. Laktaši, broj: 333/2023 od 14.11.2023. godine.

Ponuda ne ispunjavanja zahtjeve iz Konkurentskog zahtjeva jer je Energo Centar d.o.o. Laktaši dostavio dokaz koji ne potvrđuje da je isti izvršio isporuku robe – sistem klimatizacijskih uređaja.

U skladu sa prethodno navedenim, Ponuda ponuđača Energo Centar d.o.o. Laktaši je ocijenjena neprihvatljivom.

Ponude ponuđača INTER-COM d.o.o. Zenica i SES d.o.o. Sarajevo su ocijenjene kao prihvatljive, budući da su u skladu sa uslovima iz Konkurentskog zahtjeva broj 05-16-4-3706-2/23 od 02.11.2023. godine i u okviru budžeta planiranog za predmetnu nabavku.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj 66/16). Ponuđači INTER-COM d.o.o. Zenica i SES d.o.o. Sarajevo su kvalifikovani učesnici u postupku e-aukcije.

Nakon provedenog postupka e-aukcije, prvorangirani ponuđač je INTER-COM d.o.o. Zenica, čija ponuda zadovoljava sve uslove iz Konkurentskog zahtjeva i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-3706-15/23 od 30.11.2023.

414/23

godine, je u prilogu Zapisnika o pregledu i ocjeni ponuda i izvještaju o radu Komisije i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **INTER-COM d.o.o. Zenica**.

Uzimajući u obzir navedeno, odlučeno je kao u dispozitivu ove odluke.

### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3706-17/23

Datum: 05.12.2023. godine

Dostavljeno:

- Ponuđačima,
- Odjelu za finansije i računovodstvo,
- a/a.

MP  
Direktor Sekretarijata  
Admir Suljagić

